

欽定大清會典事例

欽定大清會典事例卷一千一百十二

八旗都統

分置八旗

八旗方位

八旗界址

八旗方位○順治元年議准

國家定鼎燕京分置八旗拱衛

皇居鑲黃旗居安定門內正黃旗居德勝門內並在  
北方正白旗居東直門內鑲白旗居朝陽門內  
並在東方正紅旗居西直門內鑲紅旗居阜城  
門內並在西方正藍旗居崇文門內鑲藍旗居  
宣武門內並在南方以寓制勝之意○雍正三

年議准鑲黃正黃二旗之前鋒參領侍衛前鋒  
校前鋒等以

地安門為會集之處正白鑲白二旗之前鋒參領  
侍衛前鋒校前鋒等以

東安門為會集之處正紅鑲紅二旗之前鋒參領  
侍衛前鋒校前鋒等以

西安門為會集之處正藍鑲藍二旗之前鋒參領  
侍衛前鋒校前鋒等以

天安門為會集之處○又議准鑲黃旗滿洲五參  
領下蒙古二參領下之護軍參領護軍校護軍

等各按甲喇自

地安門向東至

皇城東北角草廠衙衙西口為會集之處正白旗  
滿洲五參領下蒙古二參領下之護軍參領護  
軍校護軍等各按甲喇自草廠衙衙至東廠衙  
衙西口為會集之處鑲白旗滿洲五參領下蒙  
古二參領下之護軍參領護軍校護軍等各按  
甲喇自東廠衙衙西口向南循

皇城牆至口袋衙衙西口為會集之處正藍旗滿  
洲五參領下蒙古二參領下之護軍參領護軍

校護軍等。各按甲喇自口袋衙西口向南進  
長安門金水橋為會集之處。正黃旗滿洲五參領  
下蒙古二參領下之護軍參領護軍校護軍等。  
各按甲喇自  
地安門向西至

皇城西北角為會集之處。正紅旗滿洲五參領下  
蒙古二參領下之護軍參領護軍校護軍等。各  
按甲喇自

皇城西北角向南循

皇城牆至

西安門為會集之處。鑲紅旗滿洲五參領下蒙古  
二參領下之護軍參領護軍校護軍等各按甲  
喇自

西安門循

皇城牆至灰廠東口為會集之處。鑲藍旗滿洲五  
參領下蒙古二參領下之護軍參領護軍校護  
軍等各按甲喇自灰廠東口向南進

長安門金水橋為會集之處

八旗界址。○雍正三年議准鑲黃滿洲蒙古漢  
軍三旗自鼓樓向東至新橋自新橋大街北口

城根向南至府學衙東口。與正白旗接界。滿洲官兵自鼓樓向東。循大街至經廠。為第一參領下各佐領居址。自經廠循交道口轉南。至棉花衙東口。為第二參領下各佐領居址。自南鐸鼓巷北口至南口。及兩旁之鼓樓院。方輿廠真武廟。雨兒衙衙。福祥寺。帽兒衙衙。炒豆衙衙。棉花衙衙。兵馬司。前圓恩寺。後圓恩寺。橋兒衙衙。為第三參領下各佐領居址。自交道口大街向東。循新橋轉南。至香兒衙衙東口。為第四參領下各佐領居址。自香兒衙衙東口。向南至府

學衙馬將軍衙大興縣大兒衙土兒衙  
衙香兒衙錢局周圍為第五參領下各佐領  
居址蒙古官兵自交道口大街向北至安定門  
為第一參領下各佐領居址自北鐸鼓巷南口  
至北口及兩旁之寶鈔衙經廠分司廳謝家  
衙衙伽藍殿法通寺淨土寺豆腐店衙衙高公  
廩郎家衙衙帳兒衙衙為第二參領下各佐領  
居址漢軍官兵自新橋大街向北至方家衙衙  
為第一參領下各佐領居址自方家衙衙向北  
至城根為第二參領下各佐領居址國子監前



後之頭條二條三條衙衙方家衙衙國子監大  
溝巷蕭家衙衙為第三參領下各佐領居址柏  
林寺。撫稍衙衙草廠王大人衙衙為第四參領  
下各佐領居址自北小街南口至城根胡椒園  
周圍手帕衙衙羊館衙衙鐵綫衙衙為第五參  
領下各佐領居址正白滿洲蒙古漢軍三旗自  
府學衙衙東口向南至大市街報房衙衙東口  
與鑲白旗接界滿洲官兵自棉花衙衙東口循  
大街向南至大佛寺西北角為第一參領下各  
佐領居址自大佛寺西北角向南至報房衙衙

西口為第二參領下各佐領居址

皇城東寬街草廠衙衙取銓衙衙瞭穀廠弓弦衙  
衙雙塔衙衙為第三參領下各佐領居址鐵獅  
子衙衙嘎嘎衙衙汪芝蔴衙衙魏家衙衙十景  
花園馬大人衙衙錢糧衙衙大佛寺衙衙羊尾  
巴衙衙山老兒衙衙喇叭營為第四參領下各  
佐領居址自馬市口向東至大市街隆福寺周  
圍小衙衙為第五參領下各佐領居址蒙古官  
兵自府學衙衙東口循大街至五條衙衙為第  
一參領下各佐領居址自五條衙衙至大市街

為第二參領下各佐領居址。漢軍官兵自新橋大街至東直門為第一參領下各佐領居址。北新倉海運倉興平倉南新倉舊太倉富新倉各倉門左右為第二參領下各佐領居址。自東直門南小街北口宋姑娘衙街口袋衙衙。慧照寺汪家衙衙。船板衙衙。板橋衙衙為第三參領下各佐領居址。北新橋大街自六條衙衙至十條衙衙為第四參領下各佐領居址。北小街自頭條衙衙至五條衙衙為第五參領下各佐領居址。鑲白滿洲蒙古漢軍三旗自報房衙衙向南。

至就日坊與正藍旗接界滿洲官兵自東廠衙  
衙東口循大街向南至阮府衙衙東口為第一  
參領下各佐領居址自阮府衙衙東口至長安  
坊為第二參領下各佐領居址自東安門大街  
兩邊翠花衙衙東廠衙衙奶子府衙衙燒酒衙  
衙錫蠟衙衙菜廠衙衙阮府衙衙梯子衙衙口  
袋衙衙理藩院後衙衙為第三參領下各佐領  
居址自東長安坊向東至就日坊為第四參領  
下各佐領居址自鎧市口大街西口至東大市  
街向南兩大街之間椿樹衙衙乾魚衙衙西堂

子衙衙。金魚衙衙。煤炸衙衙。帥府衙衙。頭條二  
條衙衙。為第五參領下各佐領居址。蒙古官兵  
自大市街向南循大街至堂子衙衙。為第一參  
領下各佐領居址。自堂子衙衙向南至就日坊  
為第二參領下各佐領居址。漢軍官兵自大市  
街至小街。為第一參領下各佐領居址。自小街  
至朝陽門。為第二參領下各佐領居址。祿米倉  
周圍之啞吧衙衙。方家衙衙。為第三參領下各  
佐領居址。小街。史家衙衙。乾麪衙衙。小啞吧衙  
衙。為第四參領下各佐領居址。羊尾巴衙衙。堂

子衙衙施大人衙衙羊儀賓衙衙總捕衙衙為  
第五參領下各佐領居址正藍滿洲蒙古漢軍  
三旗自就日坊至崇文門由金水橋向東至大  
城根滿洲官兵自長安坊向西至長安左門為  
第一參領下各佐領居址自新家口南至北口  
為第二參領下各佐領居址自宗人府向南戶  
部周圍至中玉河橋為第三參領下各佐領居  
址自中玉河橋至紅廠衙衙北口為第四參領  
下各佐領居址自紅廠衙衙口向北至長安坊  
為第五參領下各佐領居址蒙古官兵自就日

坊至崇文門為第一參領下各佐領居址自敷  
文坊東口至紅廠衙衙為第二參領下各佐領  
居址漢軍官兵自就日坊觀音寺衙衙向東至  
舉場西門為第一參領下各佐領居址自羊肉  
衙衙西口向東至水磨衙衙為第二參領下各  
佐領居址自裱糊衙衙西口至東口為第三參  
領下各佐領居址自蘇州衙衙西口向東至馬  
皮廠北口為第四參領下各佐領居址自船板  
衙衙西口向東至馬皮廠南口為第五參領下  
各佐領居址正黃滿洲蒙古漢軍三旗自鼓樓

向西至新街口大街北口。城根向南至馬狀元  
衙衙西口。與正紅旗接界。滿洲官兵自鼓樓大  
街向西北。藥王廟街南口。為第一參領下各佐  
領居址。自北藥王廟街南口向西。循大街至八  
調灣南口。為第二參領下各佐領居址。自八調  
灣南口循大街至德勝門轉南至德勝橋。為第  
三參領下各佐領居址。自鼓樓斜街。循銀錠橋  
向西。李廣橋至德勝橋大街。為第四參領下各  
佐領居址。自松樹街北口至南藥王廟。為第五  
參領下各佐領居址。蒙古官兵自松樹街南口



向西至德勝橋轉北至宏善寺衙衙西口為第一參領下各佐領居址自宏善寺衙衙西口至德勝橋為第二參領下各佐領居址漢軍官兵自護國寺街至棉花衙衙南口羅圈衙衙西口為第一參領下各佐領居址自羅圈衙衙西口至棉花衙衙廊房衙衙草廠衙衙為第二參領下各佐領居址自蔣家房東口至西口為第三參領下各佐領居址自新街口向北至四條衙衙東口為第四參領下各佐領居址自四條衙衙東口至城根及銅井為第五參領下各佐領

居址正紅滿洲蒙古漢軍三旗自馬狀元衙衙東口外大街向南。至大市街羊肉衙衙東口與鑲紅旗接界。滿洲官兵自西直門大街曹公觀之東至新街口轉南。右老娘衙衙東口為第一參領下各佐領居址。自石老娘衙衙東口向南至大市街轉南。為馬市東口。為第二參領下各佐領居址。

皇城西邊馬狀元衙衙太平倉衙衙毛家灣紅羅廠。拐棒衙衙為第三參領下各佐領居址。自大市街及西邊之驢肉衙衙。帥府衙衙報子衙衙。

臭皮衙衙石老娘衙衙為第四參領下各佐領  
居址。大市街西邊魏兒衙衙太甯侯衙衙五王  
侯衙衙車兒衙衙石碑衙衙寶禪寺帽兒衙衙  
公用庫衙衙為第五參領下各佐領居址。蒙古  
官兵自西直門大街南邊草廠衙衙柳巷衙衙  
觀音寺衙衙陳綫衙衙大覺寺衙衙為第一參  
領下各佐領居址。自大覺寺衙衙向南鹼廠。翊  
教寺祖家街。柵欄衙衙東觀音寺衙衙椿樹衙  
衙苦水井為第二參領下各佐領居址。漢軍官  
兵自阜城門循大街至宮門口為第一參領下

各佐領居址自宮門口向東至馬市橋為第二  
參領下各佐領居址馬市橋北邊酥羅葡衙衙  
回子營為第三參領下各佐領居址自回子營  
向北至茶葉衙衙翠花街為第四參領下各佐  
領居址自宮門口向北至葡萄園東口為第五  
參領下各佐領居址鑲紅滿洲蒙古漢軍三旗  
自羊肉衙衙向南至瞻雲坊與鑲藍旗接界滿  
洲官兵自大市街向南瞻雲坊轉東至西長安  
坊為第一參領下各佐領居址自西安門大街  
南邊至板廠衙衙廊房衙衙醬房衙衙小醬房

衙衙東斜街細米衙衙為第二參領下各佐領  
居址自細米衙衙向南鐵子衙衙狗尾巴衙衙  
背陰衙衙太僕寺街李閣老衙衙為第三參領  
下各佐領居址自李閣老衙衙向南東夾道東  
嶽廟大悲寺小東嶽廟演象所官磨坊為第四  
參領下各佐領居址鐵子衙衙向南堂子衙衙  
石虎衙衙吳公衙衙油房衙衙茶葉衙衙西  
夾道稱勺衙衙為第五參領下各佐領居址蒙  
古官兵自大市街西邊粉子衙衙後泥窪十八  
半截豐盛衙衙為第一參領下各佐領居址自

豐盛衙衙向北至兵馬司衙衙院兒衙衙甌塔  
衙衙羊肉衙衙為第二參領下各佐領居址漢  
軍官兵自大市街西邊白廟衙衙半壁街為第  
一參領下各佐領居址自白廟衙衙向北跨車  
衙衙榆錢衙衙沈篋子衙衙為第二參領下各  
佐領居址自阡張衙衙向南大木廠牛圈高井  
口袋衙衙為第三參領下各佐領居址自口袋  
衙衙向南捨飯寺皮庫兒衙衙東夾道衙衙為  
第四參領下各佐領居址自東夾道衙衙向南  
白廟衙衙刑部街為第五參領下各佐領居址

鑲藍滿洲蒙古漢軍三旗。自瞻雲坊至宣武門。  
由金水橋向西至大城根。滿洲官兵自長安坊  
向東至長安右門。為第一參領下各佐領居址。  
自振武坊向北至長安右門大街。中府左府四  
眼井周圍為第二參領下各佐領居址。自河漕  
沿向東至石碑衙。文昌閣。拴馬椿。馬神廟。衙  
衙為第三參領下各佐領居址。自獅子口向東  
由皮市南口轉北。至埽帚衙。衙西口為第四參  
領下各佐領居址。自瞻雲坊向南至絨綫衙。衙  
轉東至河漕沿六部口。抽屈衙。衙。開帝廟衙。衙。

牛肉灣為第五參領下各佐領居址。蒙古官兵自宣武門至絨綫衙衙西口。油坊衙衙南拴馬椿翠花衙衙棗樹街為第一參領下各佐領居址。中街半壁街前細瓦廠新簾子衙衙舊簾子衙衙為第二參領下各佐領居址。漢軍官兵自瞻雲坊西邊報子街東口至西口為第一參領下各佐領居址。自手帕衙衙東口至西口為第二參領下各佐領居址。自鐵匠衙衙東口至西口為第三參領下各佐領居址。自石駙馬大街東口向西至梭毛衙衙為第四參領下各佐領



居址。自頭髮衝衝東口向西至臭水河為第五  
參領下各佐領居址。

欽定大清會典事例卷一千一百十三

八旗都統

戶口編審丁冊  
分析戶口一

編審丁冊○

國初定各旗人丁。三年編審一次。○又定。每壯丁  
三百名。編為一佐領。○又

諭。編審各旗壯丁時。令各該佐領稽察已成丁者。增入  
丁冊。其老弱幼丁不應入冊。係瀋陽者赴瀋陽勘驗。  
係東京者赴鞏山勘驗。有隱匿者壯丁入官。伊主及  
該佐領領催各罰責有差。○又定。置買人丁。及新成

幼丁。許令入別佐領下者退回。○又

諭

八旗新添壯丁。每旗編佐領三十。有逃亡缺少者。於諸王貝勒貝子等府壯丁內撥補足額。仍將該佐領治罪。嗣後每三年編審一次。○又定。每佐領編壯丁二百名。○又定。凡旗下人遠離本佐領居住者。人口財物入官。該佐領領催各罰責有差。○又定。旗員子姪。俟十八歲登記部檔後。方許分居。如未及歲。擅自分居者。議罰。○又定。新滿洲壯丁。令酌撥舊丁內編成佐領。○順治十七年題准。官員子弟有職任者。不拘定限歲數。准其分

戶。康熙四年題准滿洲蒙古有一佐領餘丁多至百名以上。願分作兩佐領者聽。八年題准凡調補管別佐領者止准帶本家壯丁。若將兄弟族中壯丁帶往者皆令按人數償還。十三年覆准八旗每佐領編壯丁一百三四十名。餘丁彙集另編佐領。或所餘丁僅百名以上不足定額者該旗王貝勒貝子公等並都統副都統佐領酌驗無誤披甲當差出結移送到部亦准編作佐領。二十四年議准旗人家產原在一佐領者後雖分撥別旗仍令親族承受不論

旗分○四十七年奉

旨嗣後八旗佐領轉調戶口之事悉令奏明○雍正四年覆准八旗壯丁自雍正元年編審後已屆三年傳知八旗都統

盛京江甯等省住居滿洲蒙古漢軍將軍都統副都統各交與該佐領驍騎校領催等將新舊壯丁逐戶編審造具清冊並將編審之各佐領驍騎校領催姓名保結開送戶部其未成丁及非正身良家之子弟並應開除人丁各該都統驗實開除其滿洲蒙古漢軍戶下額丁皆令開清

花名開載冊內送部至吉林烏拉打牲人丁戶部委旗員筆帖式前往編審若將未成丁及非正身之子弟假冒入冊或將應入冊及不應開除之壯丁隱匿開除在京將各該旗都統在外將各該將軍都統副都統以至領催悉行治罪。○五年覆准八旗人丁三年編審一次凡身及五尺者皆入冊已故者開除各佐領造戶口清冊二本一咨戶部一存該旗其戶口冊內開載一戶另戶某人係官開明某官某人無官者開載閒散某人上書父兄官職名氏旁書子弟及

兄弟之子並戶下人丁若干。其各省駐防官兵以及外任文武各官子弟家屬皆令戶部行文各該將軍督撫照此造冊咨送。俟各處冊籍到齊。各該旗附入各佐領冊內。鈐印報部存案。以後三年編審均照此辦理。○七年覆准八旗正身壯丁每逢編審之年無論在京在屯年滿十五。該管官細加查驗。實無假冒方准入冊。應裁者亦必詳勘聲明緣由。註冊送部。至八旗漢軍勳舊佐領下若無正身可選馬甲之人即在戶下拔用。年滿十五亦令該管官逐名編審註冊。

以備拔補。○又議准嗣後八旗滿洲自大臣官員以下至閒散人等生有子女俱令於滿月之後呈報佐領註冊。至十歲時由佐領參領呈報都統註冊。如有隱匿者治罪。其失察之佐領以下俱交部查議。再抱養之子女亦令呈報註冊。如非本身所生之子女妄行捏報。將佐領以下及捏報人一併治罪。參領等亦交部查議。○八年

諭。京城佐領越旗移置者甚多。因命大臣等均勻派定。外省駐防八旗滿洲蒙古漢軍亦有隨京城佐領越



旗移置者。其移置之旗人丁既多。則移出之旗人丁必少。是以人丁數目不均。如何令其不致移動之處。著八旗大臣等會議具奏。欽此遵

旨議定。各省駐防將軍。都統。副都統等。將所屬官兵壯丁數目查明具奏。不拘在京旗分佐領止。據彼處壯丁數目均齊。係四旗駐防。於四旗內均齊。係八旗駐防。於八旗內均齊。別造清冊備覈。其簡選官員拔補領催馬甲。即在均齊之旗分選拔。在京之原旗分佐領。仍照舊註冊。遇比丁之年。咨送各該旗報部。或五年十年滋生人丁。又

至多寡不齊再奏請均齊○十三年議准八旗正身壯丁或寄寓親友或流落鄉屯向未入冊補入本旗丁冊內勒限六月首報其從前潛住盛京多年者即入於

盛京冊內約束當差若不呈明該旗潛匿私往他處者照逃人例治罪該管參領佐領並不行地方官查拏照例議處若從前並未居住

盛京潛匿他省者勒令一年內自首押令歸旗免其治罪○又定凡八旗在京官員兵丁間散別住戶下人等均令該佐領給予印票開明各年

貌家口。以備街道步軍尉查驗。其在鄉屯之候選革職官員。閒散別住戶下人等。每戶給予執照。開明年貌住址生業。以備地方官查驗。各佐領所給印票。先送該參領編號。鈐用關防。每於歲底封印後。呈送都統儲庫備考。○乾隆元年。覆准駐防休致革退官員。因一時路費不敷。本身先行歸旗者。其妻子家口限一年內回京。如逾限未回。即令其子在該處充兵。造入丁冊。不得於當差數年之後。又請歸旗。至寡婦家口。從前在彼處倚子弟充兵度日。嗣經在京充兵居

官之子弟呈請接取。寡婦情願回京者。准將寡婦接取養贍。其兄弟等家口不得一同歸旗。再八旗官兵如年逾五十並無子嗣。在京在外又無的屬承祧。呈請將親兄弟之子孫調回者。准其調回。又駐防兵丁內。從前撥往時原有父母兄弟在京。後因年久戶絕。無人祭掃。呈請回京承祀墳墓者。行文該旗查明果係絕嗣。准令一丁帶領家口歸旗承祀。○又奏准。附入京城當差之察哈爾護軍馬甲人等。所遺之缺。行令察哈爾旗分選補。其戶口於察哈爾地方丁冊內

開除造入京城冊內。遇該佐領護軍驍騎缺出。與該佐領人等一同揀選。其子孫俱造入京城丁冊。○三年

諭。前次自軍營撤回開戶之領催馬甲內。一等二等均著為另戶。另記檔案。和通呼爾罕諾爾烏孫珠爾等處打仗陣亡開戶之領催馬甲。轉不能與彼一例。伊等為國效力陣亡。實屬可憫。著交與八旗將此等陣亡開戶之領催馬甲等子孫查明。亦著為另戶。與另記檔案之人一體選拔馬甲。○又奏准。附入各旗之投誠新舊額魯特回子等。於丁冊內別行註明。

其子孫與佐領下正身蒙古一體選補護軍校  
驍騎校及執事人役。四年覆准八旗遇比丁  
之年。將至十八歲以上者。覈明入冊。分註另戶  
開戶之下。填載三代履歷。其戶下人之祖父係  
何出身。均於本名下註明。良家子弟。均作另戶。  
分造鈐蓋印冊二本。一存該旗。一咨戶部。至各  
省駐防人員及外任旗員戶口。凡遇比丁之年。  
亦照此辦理。○六年議准八旗編丁。有以身及  
五尺造入丁冊者。有年至十八造入丁冊者。事  
不盡一。今酌定及身五尺。皆造入丁冊。以杜規

避隱漏之弊。其從前造入丁冊之人已故者。固宜開除。如有逃亡賣出者。編審之年亦應聲明裁除。如將應入冊之壯丁。隱瞞不行造入。或將未成丁幼童編入丁冊者。覈叅交部議處。又議准編審丁冊。將不應入丁冊之幼丁編入丁冊。或將應入冊之壯丁遺漏者。該佐領等官例有處分。惟旗下養育兵。例於鰥寡孤獨之家。拔取凡係幼丁。已食錢糧。即不論年歲大小。一併造入丁冊。以昭畫一。○八年奏准。

陵寢總管。並奉祀禮部等處所屬旗人。遇比丁之年。造

具丁冊咨報該部該旗查覈。○十一年奏准附入察哈爾旗之喀爾喀。於比丁之年與察哈爾一例將丁冊造報各該旗。其入冊之人遇有牛羊牧羣護軍領催牧丁缺。准其補用。○三十一年議准嗣後旗人犯罪應軍流者。惟將本身削除旗檔。其子孫仍編入丁冊。○三十七年奏准嗣後發往各處駐防另戶滿洲三年後果能知罪改過。即照發往黑龍江等處之例編入本處丁冊。○四十一年定。

陵寢所有內務府總管及總管禮部等處所屬旗人理



應一例比丁。應交與該管大臣等。俟比丁之年。逐一查明造冊。咨送部旗詳查。○又議准八旗壯丁。統以十六歲造入丁冊。至已食錢糧之養育兵。仍准其不俟歲滿即行入冊。○四十三年奏准吉林烏拉打牲壯丁。遇編審之年。停派戶部筆帖式前往。令該將軍就近編審造冊。加具保結送部。如有隱冒。查實題參。○四十七年諭滿洲蒙古正身。逃走拏獲。發遣當差後。如知改悔。仍准入於本地丁冊。○又奉

旨。嗣後旗人內。如有不顧廉恥。甘行下流之事。罪至刺

字者。著削去旗檔。不必仍入丁冊。○四十八年奏准。凡遇比丁之年。在京八旗都統查取各省駐防丁冊時。將各該省上屆所造丁冊內佐領姓名。有更換者。聲明咨部。轉行各省一體更換。造報。○五十六年議准。旗人犯罪止削本身旗籍者。其妻所生之子女。雖在該犯獲罪之後。但係在旗生育。並非在配所改入民籍。後另行娶妻所生。毋庸削去旗籍。俟年及歲。准其造入丁冊報部。○又議准。新滿洲索倫烏喇齊達呼爾人等。來京居住者。按伊等原處旗分。編入在京旗分。

戶口較少之公中佐領下管轄。若伊等有父子伯叔兄弟。先已附入別旗者。不論原處旗分。准其一同編入。○五十七年奉

旨。嗣後旗人行竊者。除將該犯照例治罪外。其子孫亦均削除旗檔。永不許載入丁冊。著為例。○嘉慶十八年

諭。八旗漢軍都統綿億等奏請酌定稽查屯居漢軍旗人一摺。八旗漢軍在屯居住者。散處於直隸各州縣。距京較遠。該管佐領等例不准離城遠出。勢難查察。而該州縣官又以漢軍等身係旗人。向不歸其管轄。

遂至此項旗人任其作姦犯科毫無約束不可不更  
定章程以專責成著直隸總督通飭該州縣嗣後屯  
居漢軍旗人一切戶婚田土事件俱歸所隸州縣一  
體管理若仍前委卸遇有失察之案將該州縣官一  
例叅處並著八旗漢軍都統等傳知所屬屯居旗人  
嗣後均安靜守法聽該管州縣官約束設有抗違從  
重治罪現在直隸省編查保甲即令將屯居漢軍與  
民人一體編查○二十三年

諭嗣後八旗文場考試派出考驗馬步射之大臣如有  
看出年歲可疑者俱著查明戶部冊載年歲果屬不

符再行參奏。內務府所造丁冊其年歲有載有不載。嗣後著一律開載年歲以憑查覈。○道光四年

諭前據蔣攸銛奏請革除屯居旗人總催領催名目當經降旨令內務府及八旗滿洲漢軍都統將包衣外旗王包衣各項莊頭屯居旗戶丁口分析各州縣城鄉住址造冊移交該督備查。茲據內務府奏稱現存冊檔俱非現年造報之件與現在丁口數目不符未便據冊移咨。若派員分往稽查事涉紛擾自係實在情形。所有各項莊頭及屯居旗戶現在戶口數目仍照舊例由該督飭交各州縣按照境內居住之莊

頭旗戶等就近隨時一體編查如有不服約束者即著該督照例嚴懲其私設總催領催名目概行革除

○十五年

諭奕經等奏金州等城旗丁私赴吉林雙城堡地方耕作請明定稽覈章程一摺吉林雙城堡地方開墾屯田於嘉慶年間奏准由盛京批撥旗丁前往耕作其由金州等處派撥前往者歷經該將軍等籌議章程遇有該屯正丁退故等缺即以續往現在之幫丁頂補並取具該丁三代戶口冊檔入籍收管奏明辦理有案茲據該將軍等查明近年金州等處旗丁有由

本籍私往充丁幫作者。奏請明定章程。約束稽查。以免該丁等戶籍牽混。自為覈實起見。著照所奏辦理。惟念雙城堡地方。向係移駐京旗閒散。茲各該城丁口私往耕作。有無占礙。移駐京旗地步。不可不計及久遠。以期行之無弊。並著該將軍等查明具奏。

分析戶口○

國初定八旗戶下壯丁。首先登城者。准其開戶。並將胞兄弟嫡伯叔帶出。仍賞給原主身價銀○  
順治八年定原在

盛京編審正戶。有告稱係伊奴僕者。不准歸併本

係戶籍內人。有告稱非伊家奴僕者。亦不准出戶。○九年議准。內務府三旗佐領內管領下官員。有軍功勞績。奉

特旨。令其開出內府佐領內管領者。各歸上三旗旗

下佐領。五旗王公府屬

即包衣

有滿洲佐領。有旗

鼓佐領。管領原與旗下佐領有間。旗鼓佐領下人。尤不得濫廁漢軍之列。但係

盛京帶來。自內府分出。已經編入檔冊者。均准其與旗人一體考試選官。其於本王公府屬曾經效力。本王公准其開出管領下者。止許移於府



屬佐領。惟有軍功勞績。或奉

特旨。或由王公奏准。令其開出府屬佐領者。各歸本  
王公所屬旗下佐領。或歸上三旗旗下佐領。其  
父子兄弟閒散者。准其帶出。現有職任者。不准  
帶出。○雍正二年。覆准八旗開戶義子人等。不  
得越佐領認戶。仍留在本佐領下當差。如有越  
佐領認戶。自稱另戶。與原主無涉者。該旗都統  
即拏交刑部從重治罪。○三年。議准旗下奴僕  
或藉別旗名色買贖。或自行贖身。旗民檔冊均  
無姓氏者。查出即令歸旗。其有隨主出差外任。

私有蓄積。鑽營勢力。欺壓本主贖身者。雖在民籍。究明欺壓是實。亦令歸旗。若果係數輩出力之人。本主念其勤勞。情願聽其贖身為民。旗部有案可稽。州縣有籍可據。為民者仍歸民籍。舊主子孫不得藉端控告。○七年

諭。佐領下滿洲少者。恐致裁去。佐領因將戶下滿洲及家生子開戶人載入另戶滿洲冊內。令充前鋒護軍者。其情尚可原宥。僅佐領下滿洲本多。佐領知而作弊。或將養為子嗣之漢人載入滿洲冊內。令補前鋒護軍。必當治罪。再八旗現今開戶人及養子補前鋒

護軍者甚多。若輩即與滿洲等矣。其中亦有人去得漢仗好。效力行閒。得歷官階者。或佐領等懼罪不報。伊等又恐黜退。隱忍不首。必致刁惡之人。滋生訛詐控告等事。著交八旗大臣等。將朕此旨。曉諭各旗佐領。有將開戶及養子拔為前鋒護軍者。各將緣由報明。其開戶及養子亦令從實自首。並不革退伊等之前鋒護軍。如有人去得行走好者。有應升之處。亦許列名。既經開戶。即係另戶。惟另記檔案。俾得明晰。可免日後控告之端。儻於此時隱忍不吐實情。日後查出。或被旁人首告。從重治罪。○十二年奏准八旗開

戶養子人等已補前鋒護軍領催者。遵

旨。首出另記檔案。其子弟及從前查覈之時。未得前鋒  
護軍領催。已造入另戶冊內之開戶養子。亦應  
令各該旗再加查覈。分析族支。註明何人之子  
孫。每佐領下造冊二本。鈐印一存該旗。一咨送  
戶部備案。將總數交直月旗彙奏。此後如復有  
賁緣入另戶冊內者。除治罪外。仍載入開戶養  
子冊內。其選拔前鋒護軍及賞給

恩卹銀。均照原奏之例遵行。如另記檔案人內有軍  
前行走出衆者。該旗大臣將緣由奏明。引

見補授官職如遇比丁之年有應增裁之處亦如丁冊一例編造。○十三年奏准八旗有民人冒入旗籍者照過繼民人為嗣例入於另記檔案內。嗣後永不許民人冒入旗籍違者除本人治罪外保報之該管官一併交部議處。○又議准嗣後如有奉天甲兵來京歸旗居住者令其呈報該將軍聲明緣由用印文咨送來京不得僅告知佐領等官致有弊混到京後該旗查實應令居住者奏明令其居住。○乾隆三年議准

盛京帶來奴僕原屬滿洲蒙古直省本無籍貫帶

地投充人等。雖有籍貫。年遠難以稽查。均准開戶。不得放出為民。乾隆元年以前白契所買。作為印契之人。令在本主佐領下選補步軍。俟三代後著有勞績。本主情願放出為民者。具呈本旗咨報戶部。查明祖父姓名籍貫。准其為民。仍行文該地方官註冊。止許耕作謀生。不准考試。乾隆元年以後。白契所買之人。未入丁冊者。准其贖身為民。○四年議准。

國初俘獲之人。年分已遠。與投充之人。迷失籍貫者。無別至遠年印契所買奴僕內有。

盛京帶來及帶地投充之人。原係旗人轉相售賣。雖有籍貫。無從稽考。均應開戶。不准為民。此內有實係民人。印契內尚有籍貫可稽者。照乾隆元年以前白契所買家人例。效力過三代後。准其為民。○又議准。絕戶家人。本主尚有同族人等。即編入族人戶下。無族人可歸。不論家下陳人。契買奴僕。均准於本佐領下開戶。責令看守。伊主墳墓。年力精壯者。准於本佐領下選拔步軍。如內有乾隆元年以後白契所買之人。情願贖身為民者。准其贖身。身價照絕戶財產入官。

例辦理。○又議准八旗戶下家人開戶。向由各該旗聲明本主念其世代出力。情願准其開戶者。該參領佐領族長族人列名具保咨部。無論何項人等。詳查上次丁冊有名。並冊內註係陳人者。即准開戶。至旗下家奴放出為民。向由本主念其世代出力。勤勞年久。情願放出為民。呈本旗咨部轉行地方官。收入民籍為民。今既將盛京帶來奴僕及帶地投充人等。並乾隆元年以前乾隆元年以後白契所買之人。分別定例。應行各旗。將奴僕之祖父籍貫。於一年限內。令各



主據實開報。畫押。參領佐領查實。呈都統送部。凡遇比丁之年。即照此次造冊。於編審冊內註明。遇有開戶為民之案。以便稽考。至各省旗人。俟文到日。亦於一年限內造冊送旗。該旗查明送戶部覆查。○又議准。乾隆元年以前放出為民之戶。有未經呈報旗部者。該旗查出。如果數代出力。其主情願放出。編入民籍。地方官有冊可據者。准其為民。如係藉名設法贖身。私入民籍者。其主既得身價。應令歸旗。作為開戶。其放出為民。未入民籍。及入籍在乾隆元年以後之

戶亦令歸旗。作為開戶。再設法贖身之戶。或係自備身價。或親戚代為贖身者。皆應歸原主佐領下。作為開戶。若係實在用價買出。隨又交價贖身者。皆應歸買主佐領下。作為開戶。如係開戶壯丁用價買出者。買主原非另戶正身。其名下不應復有開戶之人。應仍歸原主佐領下。作為開戶。○又議准。旗下家奴。將民人之子抱養。既經繼與家人為嗣。即與家人無異。應造入伊主戶下。以便稽查。○又議准。八旗另戶。從前撫養之子。並隨母改嫁者。或跟隨外任。或在鄉居。

住。未及呈報。因未造入丁冊。或因丁冊無名。不准自首者。總屬戶口不清之人。未便任其脫漏。令各旗查明分析彙奏。別行註冊。如有另戶人之子。其母改嫁於另戶人。或嫁於戶下家人。情願隨母撫養者。將本人造入生父本宗冊內。若民間子弟自幼隨母改嫁於另戶旗人者。照戶口不清例別行註冊。至戶下家人之子隨母嫁於另戶。以及民間之子隨母改嫁於戶下家人者。統以戶下造報。嗣後遇有隨母改嫁人等。參領佐領即時確查呈報。都統存案。仍於編審之

年註明丁冊。咨戶部覈查。○又議准從前另戶旗人之子。自幼給予旗民正身。及戶下家人撫養呈請歸宗者。該旗查實取具兩姓族長族人保結。並該參領佐領印結。送戶部存案。准其歸宗。○又議准八旗造報丁冊內。有向開另戶一戶。後經造為開戶人等。或係隨母改嫁。或寄入親屬戶內。原係別立一戶。迨後被人欺壓。造入戶下作為開戶。原非戶下家人可比。准其呈明該旗查係實有被人欺壓情弊。分析具奏。咨部更正。至從前造入戶下。後經造為開戶。並向來

造為開戶人等。若果係正身。當時即應呈明更正。何至數十年之後。待子孫分別。此等俱停其更正。以杜冒濫。○六年奏准。八旗內無論從前投充。及乾隆元年以前契買家奴。果係竈戶。查明祖父姓名籍貫。確有證據。該管官出具印結。詳報行文提解。始准放出歸竈。如有指稱竈丁抗違家主者。照例治罪給主。○七年定。王公之子孫閒散宗室。亦有分與府屬佐領者。此等人原係正身。如不能養贍。交本旗都統備補馬甲。或交進上三旗內務府存於公中。不得鬻與旗

下官員。以良為賤。至王公宗室。自買旗下家奴。原係戶下。亦不得竄入另戶冊內。以賤為良。○又定籍沒人丁。凡係旗人戶下者。均令旗人領買。不得作為另戶。及聽其贖身為民。○十二年奏准。定例乾隆元年以前放出為民之戶。果係伊主情願放出入籍年久者。准其為民。如乾隆元年以後始入民籍。伊主念其勤勞。情願放出者。令歸旗作為伊主名下開戶。是念其勤勞。願放為民之僕。尚入原主戶下作為開戶。今籍名設法贖身。私入民籍者。反入於佐領下作為開

戶。輕重不均。除從前已經議結之案毋庸議外。嗣後或經首告。或被查出。其報明旗部伊主得過身價者。令歸原主名下作為開戶。若未經報明旗部者。無論伊主曾否得受身價。均令歸旗。仍作原主名下家奴。不准歸入佐領下作為開戶。

欽定大清會典事例卷一千一百十四

八旗都統

戶口 分析戶口二 開選秀女

乾隆二十一年

諭八旗另記檔案之人。原係開戶家奴。冒入另戶。後經自首及旗人抱養。民人為子者。皆令另記檔案。至開戶家奴。皆係旗人世僕。因效力年久。其主願令出戶。現在八旗及外省駐防內。似此頗多。凡遇一應差使。先儘另戶正身簡選之後。方將伊等選補。伊等欲自行謀生。則又身隸旗籍。不能自由。現今八旗戶口日



繁與其拘於成例。致生計日益艱窘。不若聽從其便。俾得自謀生計。著加恩將現今在京八旗在外駐防內另記檔案及養子開戶人等。均准其出旗為民。其情願入籍何處。各聽其便。所有本身田產。並許其帶往。此番辦理後。隔數年。似此舉行一次之處。候朕酌量降旨。此內不食錢糧者。即令出旗。其食錢糧之人。若一時遽行出旗。於伊等生計不免拮据。如何定以年限裁汰出旗。交與該部會同八旗都統定議具奏。欽此遵

旨議定。八旗另記檔案養子開戶人等。既

恩准為民。凡在京文武官署任者不准實授。現任者遇旗員有缺停其升補。如期屆應升應調。俟漢官有缺作何升調。交吏兵二部定議。在外文武官即令改歸民籍。所借各項官銀仍坐扣完結。不准復借。其中病故革退者。既准出旗為民。一例豁免。現在進士舉人生員。繙譯進士舉人生員。以及捐納之人。需次待用者。讀書子弟應試者。如何收考錄用。交吏禮兵等部辦理。閒散人令各該旗詢明情願入籍何處。徑咨該地方官收入民籍。造冊咨戶部存案。至現食錢糧者。如願

退糧為民亦准一例辦理其現在當差者停其調選俟缺裁汰遇有婚喪等事優卹銀停其支給仍將姓名造冊咨部備考借過庫銀照常坐扣完結不得找借病故者本身未完庫銀照例豁免其願退糧為民並革退兵丁未完庫銀以及代扣庫銀既令為民無銀糧可抵亦一例豁免又另記檔案人內有具呈告退現食半俸半餉全俸全餉者亦有陣亡人父母妻室賞給半俸半餉者仍准支給以養餘年俟身後裁汰至孀婦期年半俸半餉毋庸支給養贍孀婦之養

育兵亦停其拔補。直省駐防官兵閒散內另記檔案養子開戶人等亦照此辦理。令該將軍都統等就近詢明願入何省民籍造冊送旗存儲。仍咨報戶部轉行該地方官收入民籍。又另記檔案人等典賣地畝及老圈地畝。欽遵。

恩旨。令其照常管業。如有典賣者止照例令其典賣與旗人。永不准與漢人私相授受。至現在官兵人等認買官地官房未經坐扣完結遇病故革退以及辭糧出旗如願交現銀准其交納。無銀交納將房地繳回戶部。其扣過俸餉將所得租息

扣除餘銀給還。又開戶人內有設法贖身。經戶部作為公中開戶者。若准一例為民。誠恐漫無區別。或交內務府莊頭名下作為壯丁。或准其為民。應詳查根源。會同戶部分別奏請辦理。○又議准正紅鑲紅鑲藍等旗漢軍四佐領下。皆係雍正六年自內務府撥出另記檔案之人。此等遇缺裁汰後。該佐領下並無應補之人。除現食錢糧者。分撥該旗各佐領額外。當差食餉所存另戶。俟有缺准其頂補外。其餘另記檔案之人。有缺陸續裁汰。至此等佐領驍騎校。仍令在

旗當差如係另戶。以旗員對品坐補。如係另記檔案之人。俟屆應升之期。交部辦理。○又

諭。現因八旗戶口日繁。已降旨將另記檔案及養子開戶人內。查其未食錢糧者。各令出旗自行謀生外。其現食錢糧者。如何定限裁汰出旗。著該部會同都統等議奏。至宗室王公等府屬戶口。有因其效力年久。據該王公等咨請撥附旗下佐領者。現今八旗另記檔案及養子開戶人等。悉經查明辦理。其宗室王公等府屬戶口。如仍舊准其撥附。則旗人衆多。不能遽得錢糧。生計未免艱窘。彼此均無裨益。嗣後宗室王

公等府屬戶口撥附旗下佐領之處著停止。再宗室王公等府屬戶口滋生日繁。該王公等養贍亦恐拮据。著該宗室王公會同各該旗都統等。將各府屬戶口亦著查明辦理一次。此次辦理之後。隔數年似此辦理之處。候朕酌量降旨。庶此項人等。均得自謀生理。該王公都統等。即遵旨辦理。欽此。遵旨議定。王公等府屬佐領有分給之滿洲。

盛京隨來滿洲。烏刺滿洲。辛者庫滿洲。辛者庫漢人。舊漢人。旗鼓佐領下漢人。另記檔案漢人。匠役漢人。校尉漢人。投充漢人。撫順漢人。各名色。

不同。嗣後應將分給之滿洲。

盛京滿洲。烏喇滿洲。辛者庫滿洲等。仍留府屬佐領外。其餘府屬佐領下各項人等。酌計人數。生息多寡。將該王公等情願放出之人。皆令出旗為民。咨送戶部註冊。自放出為民之後。不得仍指伊主名色滋事擾累地方。違者各按所犯嚴行治罪。○二十二年奏准。向例烏喇齊索倫達呼爾。選取人材壯健來京者。皆併入上三旗。不論勲舊世管佐領下。後皆遵。

旨改歸公中佐領。今下五旗之佐領內。既有併於上三



旗當差之公中佐領。嗣後烏喇齊索倫達呼爾  
選取來京之人。按其本處原係某旗。即入京城  
某旗公中佐領下。如原係鑲黃旗。即入鑲黃旗。  
原係正紅旗。即入正紅旗之  
類。仍在上三旗當差。不得併入王公所屬佐領  
下。又

諭八旗滿洲蒙古漢軍分析檔冊。其間人丁多寡不同。  
即如上三旗人多。至年壯之人。猶不得餉。下五旗人  
少。雖孩童可挑馬甲。八旗皆係臣僕。如此不均。不副  
朕周恤旗僕之意。人少之旗分缺出。宜如何均勻出  
旗。扣缺人丁。應如何速扣。著軍機大臣八旗都統查

明定議具奏。欽此。遵

旨議定。八旗滿洲蒙古漢軍之另記檔冊人內。有情願  
為民者。即令為民。毋庸議外。其步軍領催馬甲  
礮手各項人等之年壯者。將鑲黃正黃二旗分  
於直隸省。正白正紅二旗分於河南省。鑲白鑲  
紅二旗分於山東省。正藍鑲藍二旗分於山西  
省。每處酌遣五百人。坐補綠營兵丁。○二十五  
年

諭。平定回部在事奮勉陣亡官兵。俱經朕格外加恩。至  
伊等跟役。亦有隨伊主打仗陣亡者。此等雖係跟役。

亦因國事殞命。甚屬可憫。應一體加恩。此次官兵跟役內。其陣亡者。著查明咨部。若係官員跟役。將伊子弟銷去奴僕冊檔。令為民。若係兵丁跟役。亦令為民。伊等既已為民。即照陣亡之例辦理。以示朕格外加恩至意。○又定。另戶旗人抱養民人之子。及家人之子為嗣者。從重治罪。民人之子。自幼隨母改嫁。與另戶旗人者。該旗詳記檔案。俟成丁後。令其為民。另記檔案。養子開戶人等。業經出旗為民。如有復冒入旗籍者。從重治罪。旗下家人之子。隨母改嫁與另戶者。民人之子。隨母改嫁與旗

下家人者。及家人抱養民人之子者。均以戶下造報。八旗投充戶口。凡旗檔內有名者。造丁冊一分送部。一分發該地方官備案。如有事故。頂充於比丁冊內聲明報部。轉行該地方註冊備查。至伊等之弟兄叔姪不在旗檔者。責令地方官逐一清查。編入里甲。以免混淆。○二十九年議准。凡八旗另記檔案。養子開戶內。有現食錢糧。未經出旗之人。或因在軍營著有勞績。或因技藝出衆。蒙

恩作為另戶者。父母子孫及親兄弟。俱准作另戶。○

又議准。八旗戶下人等伊主放出為民者。除本身不准居官考試外。其子孫各照該籍民人例辦理。○四十一年議准。另戶旗人之子。自幼給予另記檔案之開戶戶下家奴及民人撫養。比長又指稱另戶。復請歸宗。概不准行。○又議准。官兵跟役。臨敵時有能超越前進敗賊者。本人及父母妻子。俱准作為另戶。仍照入官人口價銀定數。按口官給本主身價。○四十四年奏。

盛京旗人。並旗下家奴。攜帶眷口。在吉林地方種地。共四十戶一百八十二名口。內除正身旗人。

仍拏解本處照例辦理其

盛京兵部工部內務府之壯丁。並王公宗室之家  
奴及旗下家奴。請入於吉林官莊耕種納糧當  
差。並飭該管官嚴加約束。毋許滋事。如再有犯  
逃者。獲日不論次數。刺字發駐防兵丁為奴奉  
旨。盛京吉林均係國家根本之地。境壤毗連。盛京旗人  
有潛往吉林種地謀生。本無關礙。並非逃旗可比。從  
前奏請解回治罪之處。所辦原屬過當。伊等皆滿洲  
世僕。盛京吉林有何區別。其正身旗人六戶。即著入  
於吉林當差。毋庸解回盛京辦理。○六十年題准。嗣

後獲罪發遣之家奴。在軍營著有勞績者。准釋其罪。並免為奴。但冊檔內仍不得入於另戶。○又奏准黑龍江之索倫達呼爾。並額魯特回子等家奴。在西藏軍營出力。作為另戶者。准其本身入於丁冊。與彼處兵丁一體當差。至其父及胞兄弟子孫。仍不准入於丁冊。嗣後凡遇軍營此項出力家奴。作為另戶之處。永行停止。○又議准黑龍江另戶之祖父兄弟子嗣人等。既免為奴。其無力回籍。情願在該處居住者。不便仍令伊主管束。准其歸於民籍。交與各該旗佐領

下按名收管。如遇比丁之年。將伊等為民戶口。另造清冊。送部備查。○嘉慶六年奏准。凡旗人犯罪。例應刺字者。即削除旗檔。照民人一例辦理。若旗人行竊。有情同積匪及賊已滿貫者。該犯子孫。一併削除旗檔。各令為民。○九年

諭。御前大臣綿恩等代奏。札克塔爾桑吉斯塔爾懇恩。將伊等由包衣佐領改入外旗等語。朕撫臨天下。綜理庶務。一秉至公。於內外臣僕。有功必賞。有罪必罰。滿洲蒙古包衣漢人回子番子等。一視同仁。從無區別。札克塔爾桑吉斯塔爾從前來京時。已入於包衣



佐領。自宜安分當差。豈可妄存希冀。從前下五旗並上三旗包衣。擡入八旗滿洲。原係獎勵勲勞。恩出自上。豈臣下所得懇請。札克塔爾等本應治罪。姑念前在軍營著有微勞。著加恩免其治罪。札克塔爾桑吉斯塔爾俱著各罰俸一年。以示薄懲。綿恩等並未飭駁。率行據呈代奏。亦屬非是。綿恩拉旺多爾濟額勒登保俱著傳旨申飭。○道光元年

諭嗣後盛京直隸有旗人圈占置買田產。願往自行經理者。准其將文冊呈報本旗。指明確實地方。由旗咨部轉行該處移居在屯。自行耕種。所生子女。即由該

處咨報部旗註冊。如有滋事犯法。亦由該地方官按例懲辦。○咸豐十年

諭。前因御史恩靈奏。參翰林院侍講恩吉。以漢軍旗員蒙混改入滿洲。當經降旨。令禮兵二部。內務府。順天府。將該員戶考各冊及箭冊中卷一併查明具奏。嗣據禮部等衙門查覈冊卷。先後覆奏。該員之父松齡。係在內務府呈請改歸滿洲。由內務府行文吏戶禮等部一體照辦。本日據內務府奏。松齡於咸豐二年六月呈稱家譜內載始祖奇希圖。係原任三等侍衛。隸滿洲康係達氏。與八旗氏族通譜內所載相符。是

以准其更改。茲復詳查戶檔所載人名。間有不符。無憑查考。並調查官存松齡家譜。籍隸漢軍。康姓係由思謹起。並無奇希圖之名。再查八旗氏族通譜。奇希圖名下。僅有正白旗字樣。而無包衣字樣。質之松齡。亦無實據可指。但認糊塗。願甘治罪等語。松齡身任職官。於譜系並未詳查。僅以迹涉疑似。率行呈請更改籍貫。殊屬不合。惟係業經革職之員。有無應得罪名。著該部查覈具奏。翰林院侍講恩吉。更改籍貫。雖由伊父主持。難保不因滿洲中額較寬。希圖徼幸。實屬取巧。著交部議處。所有松齡恩吉及同時呈改籍

貫之郎中惠齡等九員。著一併改歸內務府漢軍籍。前任內務府堂官並內管領等。於松齡呈改籍貫時。並未詳究原委。奏明辦理。但據松齡一面之詞。率行咨部更改。殊屬草率。著查取職名交部議處。吏戶禮等部。未經駁查。亦屬疏漏。堂司各官。並著一併查取職名分別議處。○又

諭。松齡有意蒙混。希圖子孫仕進之階。不獨負欺君之罪。亦何顏以對乃祖乃父。律以重罪。亦屬應得。吏刑二部援引漢員冒籍例。殊未允協。松齡著改為發往軍臺效力贖罪。恩吉著革職。一併隨伊父前往軍臺。

效力。於伊父應交臺費外。免其再交。基溥保衡等應得降留罰俸各處分。均准其抵銷。

閱選秀女。○順治年間定。八旗滿洲蒙古漢軍官員另戶軍士間散壯丁秀女。每三年一次。由戶部行文八旗二十四都統。直隸各省八旗駐防及外任旗員。將應閱女子年歲。由參領佐領驍騎校領催及族長。逐一具結呈報都統彙咨戶部。戶部奏准日期。行文到旗。各具清冊。委參領佐領驍騎校領催族長及本人父母或親伯叔父母兄弟兄弟之妻。送至

神武門。依次序列。候戶部交內監引。

閱。有記名者。再行選閱。不記名者。聽本家自行聘嫁。如有事故不及與選者。下次補行送閱。未經

閱看之女子。及記名女子。私相聘嫁者。自都統參領佐領及本人父母族長。皆分別議處。有殘疾不堪入選者。由族長領催驍騎校佐領具結呈報都統。聲明緣由。咨戶部奏。

聞。○康熙年間定。閱選秀女時。有係

后族近支。及母族係宗室覺羅之女者。均聲明。○雍

正五年奉

旨。八旗秀女閱選畢。將記名數目。請旨覆閱。其八旗記名三品以下官員之女。每月賞銀一兩。如記名過五年退出名者。著加恩賞銀二十兩。在五年內退出名者。即停其每月賞銀。○乾隆三年奏准。選秀女時。該佐領等取具族長確實保結。參領佐領等再加詳查。如有隱瞞。別經發覺。隱瞞之人。係官革職。係平人交刑部治罪。族長及該管官領催等。分別知情不知情。議處治罪。當選時。如遺漏未曾傳知。係佐領驍騎校領催遺漏。將佐領驍騎校議處。領催鞭責。族長家長免議。若族長遺漏。係

官議處。兵丁鞭責不行詳查之佐領驍騎校議處。領催鞭責家長免議。其在屯之秀女。該佐領驍騎校差領催前往稽查。如有隱瞞遺漏等弊。將差往之領催。照在京族長例議處。其京城之族長及該管官。除知情扶同隱瞞及遺漏不行傳知。仍照在京之例處分外。草率具結之在京族長。該佐領驍騎校比照在京例減一等處分。此等隱瞞遺漏情由。如該管官事後查出首報。將該族長家長照例處分。該管官減二等議處。族長家長於事後出首。將族長家長及該管官



減二等議處。其有頭面肢體殘疾之女。令家長同族長報明該管官送都統等驗明報部。違者家長族長係官議處。兵丁鞭責。該管各官免議。事後自首者。家長減一等處分。族長免議。○五年奉

旨。三年一次閱選秀女時。有事故遲誤。及下次閱時。又有事故。則候至數年。有誤婚嫁。嗣後閱選秀女時。遇有事故。不及閱選之秀女。年未及歲。尚可候者。著候下次閱選。若十八歲以上至二十歲。至閱時又遲誤。不及閱選者。著該旗都統查明遲誤緣由具奏。或補

行再閱。或聽其適人。另降諭旨。○又議准。八旗秀女。例應三年一次。戶部請

旨。閱選。移咨八旗造冊送部。照內務府選秀女之例。俟選後再行聘嫁。遇有事故。不得閱選。俟下次閱選。其未經閱選者。雖至二十餘歲。亦不准私行聘嫁。有違例不待閱選。即行聘嫁者。該旗都統查叅。照例治罪。○六年奉

旨。嗣後閱選秀女。無論大小官員及兵丁。每女子各賞車價銀一兩。今歲看過者。皆令補給。著動用戶部廣儲司庫銀。○八年奉

旨。選秀女時。外任旗員之女。若概令送京閱看。路途遙遠。不免往返跋涉之勞。嗣後外任文官同知以下武官遊擊以下之女。停其送閱。十一年奏准。選秀女時。由

京師補授各省將軍都統副都統之女。從前既經赴京閱看者。仍令其送閱外。至各省駐防協領等官之女。從前並未曾赴京者。仍毋庸送閱。○十二年奉

旨。應閱秀女。於未閱之前。私與宗室王公結姻者。將母家照隱瞞秀女例議處。或雖經王等奏請。而母家未

曾許字者。免議。二十三年奏准。嗣後遇閱選秀女之年。將各旗佐領下附入之額魯特及歲之女。一同入選。二十四年

諭。此次閱選秀女。竟有仿效漢人裝飾者。實非滿洲風俗。在朕前尚爾如此。其在家時恣意服飾。更不待言。此雖細事。然不加訓誡。必至漸染成風。於滿洲舊俗大有關係。將此交八旗大臣曉諭各旗人等。嗣後但當以純樸為貴。斷不可任意裝飾。二十五年

諭。姓氏乃旗人根本。甚關緊要。嗣後凡有引見人等。姓氏俱於綠頭牌繕寫。選看秀女。亦照此將姓氏於綠

頭牌繕寫。○四十年奉

旨。旗婦一耳帶三鉗者。原係滿洲舊風。斷不可改。昨朕選看包衣佐領之秀女。皆帶一墜子。並相沿至於一耳一鉗。則竟非滿洲矣。著交八旗都統內務府大臣將帶一耳鉗之風立行禁止。○四十二年奉

旨。現在挑選京中回子秀女。俱歸內務府佐領下辦理。其住居健銳營之新舊番子。遇挑選秀女。著歸入正黃旗滿洲都統辦理。○四十五年奏定。密雲駐防送選秀女。照良鄉順義三河駐防例。三品以下官員及兵丁之姊妹女子。不必送選。○嘉慶四年

奉

旨。八旗包衣三旗之女。向例挑選一次。名牌擲下。方准聯親。如未及歲。即擅自定親。不獨有違例禁。儻挑選留牌。則成何事體。嗣後未選之女。私自聯親之事。永行停止。○五年奉

旨。向來挑選秀女。皇后皇貴妃妃嬪之親姊妹。俱行備挑。於體制殊有未協。嗣後自嬪以上。其親姊妹著加恩不必備挑。永著為令。○六年奉

旨。從前公主下嫁與蒙古王之子嗣者居多。下嫁與勳舊之子嗣者較少。故於挑選八旗秀女時。公主之女

亦一體入選。嗣後公主之女。著加恩毋庸入選。並永為例。○又奉

旨。從前

皇考每遇選看秀女。皆指配與

聖祖派衍二十四支宗室。今朕選看秀女。理宜照此按代指配與

世宗派衍宗室。嗣後進呈宗室單時。惟將

世宗派衍宗室之名單照例進呈。候朕將所選秀女酌量指配。永著為例。○又奏准。嗣後於選看秀女之日。

令該旗帶牌章京等。按照秀女原牌次序。領進

神武門外東柵欄。准跟隨一人。其領牌太監等。仍照秀女原牌次序。由

宮門送出。令戶部及該旗帶牌章京等。同看視。在甬路之西上車。再從西柵欄放出。將

北上門兩柵欄。令步軍營嚴行管理。毋許閒雜人等出入擁擠。是日自主以下大臣官員進

內時。皆由

東華門

西華門行走。不准出入

神武門。○九年



諭我朝衣冠及婦人服飾皆有定制。自當永遠奉行。豈

可任意更改。今鑲黃旗漢軍應選秀女內纏足者竟至十九人。殊為非是。此事所關甚鉅。若不立即更正。久之竟如漢人習氣。此一旗即有十九人之多。其七旗諒亦不少。今姑不加深究。所有該副都統成書珠隆阿俱交部察議。該參領佐領等交部分別議處。此秀女十九人之父兄本當治以應得之罪。姑念此等籍隸漢軍。幼居屯邨。因染習氣。曲加恩施。寬免治罪。將此交八旗漢軍都統等。各轉飭該管參領佐領等。嗣後務家喻戶曉。如經此次傳諭後。仍有不遵循者。

定將該秀女父兄照違制例治罪。並將該旗大臣章京等。一併照例議處。再看得此次秀女衣服袖頭甚屬寬大。竟為漢人規制。似此任意互相效尤。不惟多事虛糜。於風俗大有關係。將此一併交八旗各參佐領。嚴加申禁。○十二年

諭。朕恭閱

皇考高宗純皇帝聖訓內載

上諭內務府。嗣後挑選秀女。遇有

皇太后皇后親弟兄之女。親姊妹之女。記名者。著戶部奏聞。撤去記名。至妃嬪等姊妹親弟兄之女。親姊妹

之女有記名者。著內務府告知首領太監奏聞等因。  
欽此。仰見我

皇考聖諭詳明。至為周備。前於嘉慶五年間。曾經降旨。  
令自嬪以上親姊妹。俱加恩不必備挑。其親弟兄親  
姊妹之女。則不在此例。辦理尚未盡一。自應恭繹

聖訓。酌定章程。嗣後皇后妃嬪之姊妹及親弟兄親姊  
妹之女。於挑選秀女時。仍一併備挑。著戶部內務府  
聲明。另為一班。不必拘定年歲。作為各本旗頭起帶  
領。著為令。○十八年

諭。從前挑選八旗女子。官員兵丁閒散之女。均經一體

挑選。自嘉慶十一年曾經降旨。令將漢軍自筆帖式  
驍騎校以上之女備選。現在八旗滿洲蒙古應行挑  
選女子人數漸多。下屆挑選時。除八旗滿洲蒙古女  
子自護軍領催以上女子。仍照舊備選外。其各項拜  
唐阿馬甲以下女子。著不必備選。著為令。○二十年  
諭。明年挑選八旗及歲秀女。著將在京滿洲蒙古二品  
以上文武大臣十二歲十三歲之女。作為一日。豫備  
挑選。將來及歲時毋庸再行挑選。○道光元年奏准。

嗣後守護

陵寢大臣之女。隨從在任。毋庸送京。

選看。其並未隨任之女。仍行豫備。

選看。○二年

諭朕此次選看秀女。仍照舊制。交派王大臣等著以高宗純皇帝近派宗室應行指配者進呈。候朕指配。○

又

諭近來查出旗人抱養民人之子為嗣者。俱已另記檔案矣。此等子嗣。日後皆入民籍。伊等之女。即不應與旗人一併入選。著交戶部本年挑選八旗秀女時。將八旗滿洲蒙古漢軍內另記檔案之女。俱不必入選。著為令。○十九年

諭。朕因近年旗人婦女。不遵定制。衣袖寬大。竟如漢人裝飾。上年曾特降諭旨。令八旗都統副都統等嚴飭該管嚴行曉諭。凡我滿洲蒙古漢軍人等。諒不至視為具文。明年又屆挑選秀女之期。不可不重申例禁。著八旗滿洲蒙古漢軍都統副都統等。轉飭該管各員。恪遵前旨。家喻戶曉。一切服飾。悉遵定制。儻明年挑選之期。仍有不遵者。除家長照例治罪外。定將該旗都統章京等。一併嚴懲不貸。

[illegible]